

تريند "جرام ذهب" يتصدر السوشيال ميديا بعد انفلات الأسعار والارتفاعات الجنوبية



الثلاثاء 6 ديسمبر 2022 09:08 م

جاء هاشتاغ مرتبك يساوي كام (جرام ذهب) ضمن قائمة الأكثر تداولاً على منصات التواصل الاجتماعي بمشاركة تنوعت بين الغضب من انفلات أسعار الذهب وارتفاعه الجنوبي والذي وصل حتى كتابة هذه السطور إلى 1850 جنيهًا، مرورًا بحالة من السخرية من المشاركين على أوضاعهم ومرتباتهم وحالة "العزوبية" التي يبدو أنها ستمتد بلا زواج أو حتى خطوبة للذين لم يتزوجوا بعد، وصولاً إلى الترحم على عهد الرئيس مرسي.

مضايقتك في إيه؟!

الذراع الإعلامي عمرو أديب زاد غضب المصريين بعدما تساءل "في إيه إن الذهب يغلى؟" معتبراً أن "الاهتمام المفاجئ من المواطنين بأسعار الذهب دليل على أن هناك شيء غلط في الأسواق!"

وقال صاحب حساب "محمد": "كل المؤشرات السياسية والاقتصادية بتقول لنا يلا بقى وينابر أهو على الأبواب والحكاية كلها مسيرتين واحدة تطلع تضم على وقفة نقابة المحامين والتانية تضم على وقفة الجراج بتاعت عمرو موسى في الزمالك".

أما (مصطفى بلال) فقال: "#جرام_ذهب من وجهة نظري غير مبنية ع أساس علمي إن المفروض يربطوا رواتبنا بعملة غير الجنيه مثلاً بالدولار يعني يخلو مثلاً قبضنا ٢٠٠ دولار وناخد قصادهم بالمصري بس ثابتين ٢٠٠ دولار انا مرتبي بينقص كل يوم .. المفروض يزيد".

وأضاف (محمد خالد): "مرتبي ميجبش ٣ جرام ذهب يعني عشان تجيب دبله محتاج تشتغل ٣ شهور يعني محتاج تشتغل ٧٢ يوم يطلع" اللي جابوك عشان بس تقدر تجيب دبله من غير ما أحسب أكلك وشربك وموصلاتك أو بنزينك".

وكتبت (إيمان أيمن): "الكوميديا السوداء على موضوع إن في ناس مرتبها أقل من اثنين جرام ذهب ده بجد بجد أكبر من إن دماغى تستوعبه وحتى آخر حد شوفته كاتب كدة كان متجوز ومعاه طفل يعني إيه اصلاً؟ يعني إيه تصرف عليك كشخص لوحدك أصلاً مبلغ زي ده؟ الناس بتكفي نفسها ازاي؟! ربنا اللي بيرزق وكل حاجة أكيد ونعم بالله".

وساخرا علق صاحب حساب (حمو): "انت متخيل إن مرتبي كله يجيب حوالي ٢ جرام ذهب برة المصنعية سهلوا الحلال عشان ربنا يسهل طلوع روحكم إن شاء الله".

ووافقت (روناء) التي كتبت: "هو إيه يجماعة اللي مرتبك بقي 2 جرام ذهب م غير مصنعية!!.. جرام الذهب بـ 1800 ف 2 جرام بـ 3600.. مين ابن الغنية ده اللي بيقبض 3600؟؟".

وأضاف (الدقر): "سنة 2013 الحد الأدنى للأجور 1200 جنيه = 5 جرام ذهب حالياً سنة 2022 الحد الأدنى للأجور 3000 جنيه = جرام ونصف ذهب .. شفتوا معاه البركة بتاعت ربنا إزاي؟".